



Broj: 03-50-1-60-17-6/10

Sarajevo 10.12.2010. godine

ZAPISNIK

17. sjednice Odbora za žalbe građana Parlamentarne skupštine Bosne i Hercegovine, održane 29.11.2010. godine

Sedamnaestu sjednicu Odbora za žalbe građana Parlamentarne skupštine BiH sazvaio je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Ermin Pešto i Hamida Karčić, te Aida Kreho - privremeni sekretar Odbora za žalbe građana Parlamentarne skupštine Bosne i Hercegovine.

Danica Berić i Marijan Milićević – članovi, te Željko Grubešić- savjetnik u Odboru, nisu prisustvovali sjednici iz opravdanih razloga.

Sjednici su, također, prisustvovali: Enver Hadžiahmetović iz Granične policije Bosne i Hercegovine, Ramiz Škulj i Predrag Krsmanović iz Državne agencije za istrage i zaštitu, te Simonetta Silvestri i Fatima Miletić iz Policijske misije Evropske unije.

Sjednica Odbora počela je u 12 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 16. sjednice Odbora za žalbe građana Parlamentarne skupštine Bosne i Hercegovine;
2. Razmatranje žalbi na rad pripadnika Granične policije BiH (izvjestioci: Mate Miletić, Ermin Pešto, Amela Bašić; Hamida Karčić);

3. Razmatranje žalbi na rad pripadnika Državne agencije za istrage i zaštitu (izvjestioci: Marijan Milićević, Borislav Radić);
4. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 16. sjednice Odbora za žalbe građana Parlamentarne skupštine Bosne i Hercegovine

Zapisnik sa 16. sjednice Odbora za žalbe *jednoglasno je usvojen.*

Ad.2. Razmatranje žalbi na rad pripadnika Granične policije BiH (izvjestioci: Mate Miletić, Ermin Pešto, Amela Bašić, Hamida Karčić)

Mate Miletić je, kao izvjestilac, izložio predstavku broj: *03-50-I-60-16-3/10 od 19.10.2010.* godine, te Izvještaj koji je Granična policija BiH dostavila po konkretnoj predstavi. Nakon što je navode iz predstavke i Izvještaja članovima Odbora prezentirao i predstavnik Granične policije BiH, Enver Hadžiahmetović, uslijedila je rasprava u kojoj su učestvovali svi članovi Odbora. Po okončanju rasprave, članovi Odbora jednoglasno su odlučili da *ne prihvataju* Izvještaj Granične policije BiH, te da zatraže dodatne informacije i dokaze koji su uticali da se predstavka u konkretnom slučaju odbaci kao neosnovana.

Ermin Pešto je, kao izvjestilac, zadužio predstavku broj: *03-50-I-60-16-5/10 od 27.10.2010.* godine. Nakon što je članovima Odbora ukratko prezentirao predstavku i Izvještaj Granične policije BiH, uslijedila je rasprava o navodima iz predstavke, te eventualnim razlozima koji su mogli biti uzrok predstavke, poput nepostojanja svjedoka, nepoznavanja engleskog jezika od strane policijskih službenika, nefunkcioniranja video-nadzora na graničnom prijelazu i slično. Članovi Odbora su većinom glasova *prihvatili* Izvještaj Granične policije BiH, i to sa 3 glasa “za” i 2 glasa “protiv”.

Amela Bašić je prezentirala predstavku broj: *03-50-I-60-17-1/10, od 10.11.2010.* godine. Predstavku je obrazložio i predstavnik Granične policije BiH, ali je napomenuo da postupak još nije okončan. Članovi Odbora su, u skladu s navedenim, odlučili sačekati dostavljanje Izvještaja po predstavi, te na jednoj od narednih sjednica nastaviti raspravu o ovom slučaju.

Hamida Karčić prezentirala je predstavku broj: 03-50-I-60-17-2/10 od 12.11.2010. godine. Obzirom da Izvještaj o konkretnoj predstavi nije dostavljen do dana održavanja sjednice, članovi Odbora odlučili su izjašnjavanje o predstavi odložiti za narednu sjednicu.

Ad.3. Razmatranje žalbi na rad pripadnika Državne agencije za istrage i zaštitu (izvjestioci: Marijan Milićević, Borislav Radić)

Borislav Radić je, u skladu sa zaključkom sa prethodne sjednice, podsjetio članove Odbora na predstavku broj: 03-50-I-60-15-5/10 od 21.09.2010. godine. Nakon što su predstavnici SIPA-e dodatno pojasnili navode iz predstavke i Izvještaja koji je dostavljen u ovom slučaju, te odgovorili na postavljena pitanja, članovi Odbora jednoglasno su *prihvatili* Izvještaj.

Obzirom da Marijan Milićević, zadužen kao izvjestilac po predstavi broj: 03-50-I-60-16-2/10 od 14.10.2010. godine nije prisustvovao sjednici, rasprava po ovoj predstavi odgođena je za narednu sjednicu.

Ad.4. Tekuća pitanja

a) Izrada Prijedloga izvještaja o radu Odbora za 2010. godinu

Članovi Odbora su donijeli zaključak da je neophodno pristupiti izradi Prijedloga Izvještaja o radu Odbora za 2010. godinu, te utvrdili osnovne principe za njegovu izradu.

Sjednica Odbora za žalbe građana završena je u 14.00 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić